

如此則情法相當而詐偽者知所警戒於將來矣

前件偽造鎮寺巡撫關防比依偽造諸衙門印信者律其餘照舊

在京衙門吏役有犯偽造并盜用

欽降關防印記者枷號三箇月滿日發落

弘治七年四月初九日大理寺題為緝訪事該刑部廣西清吏司問得犯人顧恒招係浙江寧波府慈谿縣人充通政司辦事吏弘治六年二月三十日有經歷司辦事吏潘震要得圖利不合輒將本司原頒銅條記關防衆機偷印空白紙上貼木石用小刀調成假條記關防各一箇弘治七年正月十八日有辦事吏呂杲不合乘機盜印條記關防亦用木石雕刻成樣本月二十一日又有在官辦事吏陳貴亦不合將掛號無用通狀一紙藏匿用石粘貼刻成條記各藏在家遇有各處來京考滿官員告討牌封及軍民通狀掛號等項就行接攬每牌封一箇要銅錢一十文

每通拔一紙要錢二文与伊印出假關防條記牌封
恒不合二次將本_書上官驗正條記案機盜印牌封
陸續与人得錢俱各入已事發刑部廣西清吏司問
擬潘震呂果陳貴俱犯該偽造關防印記者律俱減
等各杖九十徒二年半顧恒比依知情行使者減偽
造關防印記一等律杖八十徒二年俱有贓吏照例
通併杖徒運炭完日送順天府迤回原籍為民參照
各犯俱係該司吏役乃敢偽造并盜用本衙門
欽降關防印記作弊取財有辜理法情罪深重難照常例
發落查得弘治元年二月内工部奏

准事例偽造印信批迴誑騙財物犯該徒流者本衙門首
批號三箇月滿日照依原擬發落今潘震等所犯与
偽印批迴情犯頗同合無比照前項事例於本衙門

首批號三箇月滿日依擬發落及今後有犯前罪者
俱照此例批號示衆具題奉

聖旨是潘震呂果陳貴照例等送通政司門首批號三箇
月滿日依擬發落顧恒准擬欽此

禁約私鑄銅錢例

成化十二年十二月二十六日工部尚書 王等

題為陳言事工部虞衡清吏司案呈奉本部送於礼科

抄出大興左衛清軍指揮使司指揮使周廣奏前事

臣伏覲成化十一年十一月初八日

詔書一款凡天下軍民利病許諸人直言無隱欽此欽遵

外切念_臣生逢盛世愧乏寸長無補

明時偶有所見不敢默緘謹_奏時事一十九件

上塵